

Kratkoprsti kobac (*Accipiter brevipes*) u Hercegovini 2011. i 2012. godine

Levant Sparrowhawk (*Accipiter brevipes*) in Herzegovina in 2011 and 2012:

Levant Sparrowhawk was recorded in Herzegovina in 2011 and 2012 in the areas of Hodbina near Mostar, and between the villages of Batkovići and Kifino selo, and also between Strujići and Prh villages.



Slika 1. Kratkoprsti kobac u Hodbini kod Mostara (Foto Narcis i Sumeja Dročić)
Figure 1. Levant Sparrowhawk in Hodbina near Mostar (Photo: Narcis & Sumeja Dročić)

Još daleke 1978. ili 1979. godine, kada sam sa svojim amidžama hvatao štiglice i lugarine u Mostaru, imao sam priliku da nam se u mrežu uplete mužjak kratkoprstog kopca (*Accipiter brevipes*). Tad mi je amidža Mehmed, objašnjavajući glavnu razliku između njega i ovog „običnog ptičara“, rekao: „Ovaj ti, Narca, dolazi u septembru i bude čitave zime oko Mostara i po Mostarskom blatu.... ali nisam ga vidio da tu leže....“ Više od tri decenije kasnije, u septembru 2011. i 2012. godine, Dročić Sumeja i ja smo imali tri nalaza ove vrste. Kod Hodbine u blizini Mostara 09.09.2011. našli smo jedan primjerak na topolama uz cestu Buna-Stolac, na oko pet kilometara od rijeke Bune. Drugi put smo jedan primjerak vidjeli na električnom stubu između Batkovića i Kifinog sela na cesti Nevesinje-Gacko, 27.09.2011. Posljednji nalaz uključio je jedan primjerak viđen 03.09.2012. uz cestu M-6, Ljubinje- Popovo polje, između sela Strujići i Prh. Informacije o prisustvu ove vrste u Mostarskom blatu dobijene od mostarskih ptičara nismo mogli potvrditi prilikom naših boravaka 2011. i 2012. godine.

Narcis Dročić i Sumeja Dročić,
Begov Han bb, 72233 Žepče, nerkesus@live.com